

Педагогикалық кеңес
№1 хаттама

28тамыз 2024жыл

Қатысқандар: 8

Күн тәртібінде.

1. Педагогикалық кеңес құрамын қайта бекіту, хатшы сайлау. (Меңгеруші А.Б.Султанова)
2. Жазғы сауықтыру жұмыстарының қорытындысы (Әдіскер-У.М.Гумарова)
3. Балабақша жұмысының жаңа оқу жылына арналған жылдық жұмыс жоспарын талқылау және бекітуге ұсыну (Меңгеруші А.Б.Султанова)
4. «Біртұтас тәрбие» бағдарламасын балабақшада қолдану (меңгеруші А.Б.Султанова)
5. Тіл туралы заңның орындалысы және Тілдер мерекесін атап өту (Әдіскер-У.М.Гумарова)
6. 2024-2025 оқу жылына арналған әдістемелік нұсқаулық хатпен таныстыру (меңгеруші А.Б.Султанова)
7. Ағымдағы мәселелер.

I-тыңдалды: Педагогикалық кеңес құрамын қайта бекіту, хатшы сайлау.

Сөйледі: Балабақша меңгерушісі А.Б.Султанова педагогтарды жаңа оқу жылымен құттықтап, жаңа оқу жылы шығармашылық табысты болсын деп, педагогикалық кеңес төрағасының меңгерушісі А.Б.Султанова, құрамы тәрбиеші-педагогтар, хатшы тәрбиеші А.Т.Аманолла сайлауды ұсынды.

II-тыңдалды: Жазғы сауықтыру кезіндегі жұмыстарды қорытындылау (сауықтыру жұмысының сараптамасы)

Сөйледі: Әдіскер У.М.Гумарова жаз мезгілінде балабақшаның сауықтыру іс-шаралары жоспар бойынша медбике С.С.Мухтарова жетекшілігімен сауықтыру шаралары уақытылы өткізіліп, әдіскер тарапынан басшылыққа алынды. Тәрбиешілер таңертеңгі қабылдауды учаскелерде ұйымдастырып, музыка жетекшісі таңғы жаттығуды есік алдында жүргізді. Айына медбике бір рет ата-аналарға жаз мезгілінде болатын жұқпалы ауырулар және олардың алдын алу туралы кеңестер берді. Тәрбиешілер әр аптаның бесінші күні балалармен апталық тақырыпты қорытындылау есебінде тақырыпқа сай ойын-сауықтар өткізді. Барлық өткізілген жұмыстар тәрбиеленушілердің денсаулығын қорғау, денсаулық мәдениеті негізі арқылы келесі тапсырмалардың шешімін табуға мақсатқа жетуге бағытталды, - деді.

III-тыңдалды: Балабақша жұмысының жаңа оқу жылына арналған жылдық жұмыс жоспарын талқылау және бекіту.

Сөйледі: Балабақша меңгерушісі А.Б.Султанова жылдық жоспармен таныстырып, ондағы алдағы атқарылатын шаралармен қысқаша таныстырып өтті.

Жылдық жоспардың мақсаты балаларды табиғатқа жауапкершілікпен және қамқорлықпен қарауға баулу, ұлттық мәдениетке қызығушылықты арттыру, қазақ тілін меңгеруге ынталандыру, балаларды тәрбиелеу мен оқыту үшін жауапкершілікті іске асыруда ата-аналарға көмек көрсету арқылы оларды педагогикалық процеске белсенді қатысушылар ретінде тарту.

Оқу жылына арналған жылдық жұмыс жоспары мектепке дейінгі ұйымның маңызды актісі болып табылады. Ол «Білім туралы» Қазақстан Республикасының Заңында және Мектепке дейінгі тәрбие мен оқытудың мемлекеттік жалпыға міндетті стандартының талаптарына сәйкес келуі тиіс.

Қойылған міндеттерге сәйкес жылдық жоспар келесі құрылымдық компоненттерді қамтиды.

Өткен жылғы жұмысты талдау.

Жоспарлаудың тиімділігі көбінесе өткен жылдағы жоспардың орындалуын сапалы талдауға байланысты, оның негізінде алдағы жылға арналған міндеттер анықталады. Жоспар бөлімдері бойынша құрылымның нақты болуы мектепке дейінгі ұйымдардың қызметін талдауға қойылатын негізгі талаптар болып табылады деп, денсаулық пен салауатты өмір салтын қамтамасыз ету, мектеп алды топ балаларының мектепке оқуға дайындық деңгейі талданды. (Үлгілік оқу бағдарламасының мазмұнын меңгеру бойынша мектепалды топ балаларының қорытынды мониторингі) Әрі қарай осы бөлім бойынша жалпы қорытындылар; педагогтардың кәсіби шеберлігін арттыру нәтижелері, оларды аттестаттау жалпы біліктілігін арттыру; келесі жылға педагогтардың әдістемелік көмекке өтінімдері (сауалнамаларды талдау, бақылау нәтижелері бойынша) МДҰ-дағы әдістемелік жұмыс жүйелері талданды. Мектепке дейінгі ұйым қызметінің негізгі міндеттері ағымдағы оқу жылында Үлгілік оқу бағдарламасы мен Жылдық жоспарды іске асыруды талдау барысында анықталған мәселелер болып табылады. Жылдық жұмыс жоспарда қызмет бағыттары бойынша негізгі міндеттер анықталады. Міндеттер әрбір мектепке дейінгі ұйым үшін басты болып табылады және өткен жылғы жұмысты талдау негізінде анықталады, оның барысында жұмыстағы проблемалық сәттер айқындалады, - деп жылдық міндеттерді шешуге бағытталған іс-шараларға тоқталып өтті.

IV-тыңдалды: «Біртұтас тәрбие» бағдарламасын балабақшада қолдану

Сөйледі: Балабақша меңгерушісі А.Б.Султанова сөз алды. Мектептегі және мектепке дейінгі білім беру ұйымдарындағы тәрбие жұмысын ұйымдастыру тәсілдерін жаңарту бойынша Мемлекет Басшысының тапсырмасына сәйкес Қазақстан Республикасының Оқу-ағарту министрінің Білім беру ұйымында «Біртұтас тәрбие» бағдарламасын бекіту туралы №194 бұйрығы бекітілді.

Мемлекет басшысы Қасым-Жомарт Тоқаев Ұлттық құрылтайдың «Әділетті Қазақстан- Адал азамат» атты екінші отырысындағы тапсырмасына сәйкес 2023-жылы «Біртұтас тәрбие» бағдарламасы әзірленіп, барлық білім беру ұйымдарына енгізілді.

Қазақстан Республикасының президенті Қасым-Жомарт Тоқаев 2024 жылы Ұлттық құрылтайдың «Адал адам-Адал еңбек-Адал табыс» атты үшінші отырысындағы тапсырмасына сәйкес Біртұтас тәрбие бағдарламасының мазмұны жаңартылды.

Еліміздің болашақтағы негізгі сұлбасын «Әділетті Қазақстан-Адал Азамат-Озық ойлы ұлт» деген үштағам ұғым арқылы сипатталды. Үштаған-бір-біріне бастау алатын және өзара тығыз байланысты ұғымдар, ел ішінде заң мен тәртіпті қатаң сақтауды қамтамасыз етуді саясатымыздың тұғырлы қағидатына айналдыратын мықты демократиялық институттары мен дамыған құқықтық жүйесі бар әділетті мемлекетті құрудың шарттары және еліміздің жаңғыруы мен әрі қарай дамуының стратегиялық бағдарын айқындайды. Бұл «Біртұтас тәрбие» бағдарламасының басты идеясына айналды.

Мазмұны ұлттық жаңа келбетін қалыптастыратын:

Тәуелсіздік және отаншылдық

Бірлік және ынтымақ

Әділдік және жауапкершілік

Заң және тәртіп

Еңбекқорлық және кәсіби біліктілік

Жасампаздық және жаңашылдық құндылықтарға негізделген .

«Біртұтас тәрбие» бағдарламасы елімізді жаңартатын «Қағидамыз-әділдік, тірегіміз – жауапкершілік, мақсатымыз-өрлеу» ұстанымына негізделді.

Бағдарламаның мақсаты:

Қазақстандық мәдениет құндылықтары негізінде азаматтық жауапкершілік пен патриотизм, парасаттылық пен адалдық, ар-ұждан, рухани-адамгершілік қасиеттерін бойына сіңірген, үйлесімді дамыған тұлға қалыптастыру.

Бағдарламаны іске асыру құндылыққа бағдарланған және күзиреттілік тәсілдемелеріне негізделеді. Олар оқытудың, тәрбиелеудің және дамытудың өзара үйлесімді бірлігін қамтамасыз етеді.

Құндылықтарды қалыптастырудағы күн сайын және апта сайын іске асырылатын іс-шараларды қамтиды.

Күнделікті:

«Ұлттық ойын-ұлт қазынасы», «Өнегелі 15 минут», «Үнемді тұтыну», «Күй күмбірі».

Апта сайын:

«Менің Қазақстаным», «Аптаның дәйек сөздері», «Қауіпсіздік сабағы», «Әжелер мектебі», «Аналар мектебі» жобалары ұсынылды. «Біртұтас тәрбие» бағдарламасының балабақшаға енгізу арқылы балалардың бойында ұлттық

құндылықтарды сіңіру, ата-аналарды әртүрлі жобалар арқылы балабақша жұмысына тартуды жыл бойы жалғастыру керек,-деді

V-тыңдалды: Тіл туралы Заңның орындалысы және Тілдер мерекесін атап өту

Сөйледі: Балабақша меңгерушісі А.Б.Султанова Қазақстан Республикасының Президенті Өзінің Қазақстан халқына Жолдауында Қазақстанның тіл саясатын айқындады: «Қазақ тілі-мемлекеттік тіл,орыс тілі-ұлтаралық қатынас тілі,ағыошын тілі-жаһандық экономикаға сәтті интеграциялау тілі». Осының бәріне сүйене отырып,қазіргі уақытта жалпы Қазақстан Республикасында да,мектептер мен мектепке дейінгі ұйымдарды да тіл саясаты бойынша көптеген жұмыстар жүргізілуде. Әр апта сайын дүйсенбіде жалпы салтанатты түрде Қазақстан Республикасының Гимнін орындаудан басталатын жалпы балабақша жұмысының саптары өткізіледі. Іс-шараларды Қазақстан Республикасының Гимнін орындаудан басталады. Балабақшадағы барлық іс-шаралар мен мерекелер мемлекеттік тілде өтеді. Жалпы, «Тілдер туралы Заңды» жүзеге асыру жұмыстары балабақша әкімшілігінің тұрақты бақылауында және ол орындалуда.

VI-тыңдалды: 2024-2025 оқу жылына арналған әдістемелік нұсқаулық хатпен таныстыру

Сөйледі: Балабақша меңгерушісі А.Б.Султановаәдістемелік нұсқау хат 2024-2025 оқу жылында тәрбиелеу білім беру процесін ұйымдастыруда меншік түрлері мен нысанына , ведомстволдық бағыныстылығына қарамастан мектепке дейінгі ұйымдардың басшыларына,әдіскерлері мен педагогтеріне әдістемелік көмек көрсетуге арналған. Бүгінгі күні елімізде балаларды мектепке дейінгі тәрбиелеу мен оқытумен қамту мен бірге мектепке дейінгі ұйымдар ұсынатын қызметтік сапасын аврттыру үшін кешенді шаралар қабылдануда.

VII-тыңдалды: Ағымдағы мәселелер

Балабақша меңгерушісі А.Б.Султановаағымдағы құжаттарды бекітуге тоқталып өтті. Балабақшада ауқымды жұмыстардың бірі әдістемелік жұмыс екенін,оны дұрыс ұйымдастыру,дер кезінде педагогтарға әдістемелік көмек көрсетілуі керек екенін айта келіп,әдістемелік кеңес төрайымы әдіскер У.М.Гумарова ,хатшы А.Т.Аманолла ұсынды. Әдістемелік кеңес отырысының шешімдері хаттамамен тіркеліп отырылатынын айтты. 2024-2025оқу жылында топтардағы балалар тізімін бекіту ұсынылды. Сонымен қатар Қазақстан Республикасының Тілдер күнін кең түрде атап өту,жұмыс жоспарын бекітіп,топтарда мерекелік шараларды жүйелі ұйымдастыруды қолға алуды тапсырды.

Педагогикалық кеңес шешімі:

1. Балабақшаның жылдық жұмыс жоспары мен кеңес құрамы бекітілсін.

Жауаптылар: директор, әдіскер.

2. Мамандардың ұйымдастырылған іс-әрекетінің кестесі, күн тәртібі және тәрбиешілер мен мамандардың перспективалық жоспары, циклограммалары бекітілсін және әдістемелік нұсқаулық хатты басшылыққа алып жұмыс жүргізілсін.

Жауаптылар: әдіскер, тәрбиешілер, мамандар

3. Тілдер туралы Заңның орындалысы бойынша жауапты тұлға бекітілсін.

Тілдер күніне орай жұмыс жоспары бекітіліп, жоспарға сай өткізілсін.

Жауаптылар: әдіскер, тәрбиешілер, мамандар

4. «Біртұтас тәрбие» бағдарламасын балабақша жұмысына енгізілсін.

Жауаптылар: әдіскер, тәрбиешілер, мамандар

Педкеңес төрайымы:

Педкеңес хатшысы:



А.Б.Султанова

А.М.Жолдыбай